



3. Marts 2011

Inatsisartut suleriaasianni § 37, immikkoortoq 1 naapertorlugu matumuuna imaattumik Naalakkersuisunut apeqquteqarpugut:

**Apeqqut: Maniitsumi aatsitsiviliortoqarsinnaananeranut atatillugu avataani suliaartorsinnaasut aningaasarsiakitsutullu taaneqartartut, suliffeqarfissuup Alcoa-p sanaartornerup nalaanniinnarluunniit atorumaannassagaluarpagit unittoortoqarsinnaneralu kingunerisaannik pisoqassagaluarpat, qanoq Naalakkersuisut inatsisartunut sulisitsisunullu eqqarsaatersornerminnik takorluugaqarpap?**

(Inatsisartuni ilaasortat: Sivert K Heilmann aamma Knud Kristiansen)

### **Tunngavilersuut**

Taamatut aperisariaqalernermit tunngaviuneruvoq maluginiartaratsigu sulisitsisut kattuffiiniit ornigineqanngilluinnartoq, erngup nukiliorfiliornissani Maniitsup Timaani Nuuk-llu kangerluani matumalu kingornagut aatsitsiviup sanananerata nalaani assigiinngitsumik akissarsiaqartitsisinnaanerup atuutilersinneqarsinnaanera.

Qularutigineqassanngilaq nunaqavissut sulisinnaasut sulerusuttullu amerlanerpaat sanaartornerup aallartinneraniilli peqataatinneqarnissaannullu ATASSUT-miit tapersorsorneqarnissaat, nalunngisarpulli aana, nunatsinni suliffissaaleqisut tamaasaluunniit atoraluarutsigit amigarluinnarput.

Sanaartornermi ilisimasat pigineqarnissaat pingaaruteqarluinnarmat nunatsinniit peqataatitaqarnissarput assertuussutigisinnaangilarput.

Suliffeqarfissuup Naalackersuisullu inatsisartut tunuliaqutaralugit isumaqatigiinniartartuisa - isumaqatigiissinnaanginnermik kinguneqassagaluarpat - paaseqatigiissinnaanerlu sillimaffiginiarlugu anguniarlugulu - ukiut tallimat missaani sanaartorneq aallartissagaluarpat aaqqiangiinngittoqarsinnaanera akimmiffiulersinnaapput - kiisalu suliffissat aningaasarsiorfissallu ukiuni 70 - 100 tungaannut ataavartut annaanniarneqarsinnaanissaanut Naalackersuisut (plan A imall. plan B - C) pilersaaruteqarnersut tusassallugit.

Aatsitsiviliortoqarsinnaaneranut akerliusut tapersersuisullu Maniitsumi peqatigiiffeqalernikuupput, neriuutigarpullu innuttaasut killiffimmik paasisitsiniaaffigineqartarnerannut pitsaasumut, taakku ilanngullugit suleqatigilluarneqarumaartut.

Inussiarnersumik Inuulluaqqusilluta

Atassut sinnerlugu Inatsisartuni ilaasortat